



Broj: 01/5-50-1-1674/23

Sarajevo, 21. 8. 2023.

**PREDSTAVNIČKI DOM  
PARLAMENTARNE SKUPŠTINE BiH  
PREDSJEDAVALAČEM DOMA**

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 21-08-2023			
Organizaciona jedinica	Klasifikaciona oznaka	Redni broj	Broj priloga

Na osnovu člana 32. stav (1) i člana 48. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15, 97/15, 78/19, 26/20 i 53/22), Komisija za saobraćaj i komunikacije Predstavničkog doma Parlamentarne skupštine BiH podnosi sljedeće

### MIŠLJENJE o poslaničkoj inicijativi Nihada Omerovića

Poslanik Nihad Omerović je 27. 7. 2023. Predstavničkom domu Parlamentarne skupštine BiH dostavio poslaničku inicijativu kojom Predstavnički dom Parlamentarne skupštine BiH zadužuje Vijeće ministara BiH da, u roku od 60 dana od dana usvajanja ove inicijative, izmijeni odluke o visini naknade koju plaća operator zrakoplova po prevezenom putniku i toni prevezene robe/tereta u odlasku s aerodroma u Bosni i Hercegovini (u daljnjem tekstu: Inicijativa).

Kolegij Predstavničkog doma je na 17. sjednici, održanoj 31. 7. 2023, u skladu s članom 20. tačka e) Poslovnika Predstavničkog doma, kao nadležnu komisiju za razmatranje navedene inicijative odredio Komisiju za saobraćaj i komunikacije Predstavničkog doma (u daljnjem tekstu: Komisija).

Poslanik Nihad Omerović je 18. 8. 2023. Komisiji dostavio modificiranu inicijativu, te je Komisija na 10. sjednici, održanoj 21. 8. 2023, u svojstvu nadležne komisije, u prisustvu predlagača Inicijative te ministra komunikacija i prometa BiH, generalnog direktora Direkcije za civilno zrakoplovstvo BiH i direktora aerodroma u Bosni i Hercegovini, razmatrala Inicijativu od 18. 8. 2023.

Nakon rasprave, Komisija je, sa šest glasova „za“, jednim glasom „protiv“ i jednim glasom „suzdržan“, na prijedlog predlagača inicijative podržala tekst modificirane poslaničke inicijative Nihada Omerovića, koji glasi:

Predstavnički dom Parlamentarne skupštine BiH predlaže Vijeću ministara BiH i Direkciji za civilno zrakoplovstvo BiH da se, poštujući zakon i druge propise, na period od godinu dana obustavi primjena Odluke o visini naknade koju plaćaju operatori zrakoplova po prevezenom putniku u odlasku i visini naknade koju plaćaju operatori zrakoplova po toni prevezene robe/tereta u odlasku s aerodroma u Bosni i Hercegovini („Službeni glasnik BiH“, broj 20/23), te da se za to vrijeme urade neophodne analize u saradnji sa Ministarstvom komunikacija i prometa BiH i Direkcijom za civilno zrakoplovstvo BiH, kako bi se došlo do najadekvatnijeg rješenja.

Dostavljeno:

- Kolegiju Predstavničkog doma
- Indoku
- a/a

